

De syllogismis exponibiliis optimum consilium fuerit, ut, ubicumque occurrat casus difficilior, propositio exponibiliis logice resolvatur in aliam aperte compositam, secundum doctrinam superius traditam.

§ IV.—REDUCTIO SYLLOGISMORUM HYPOTHETICORUM  
AD CATEGORICUM.

167. Ex dictis colliges essentialia differentiam syllogismi categorici atque hypothetici. Suas enim quiske proprias ac distinctissimas habet figuræ et modos, suaque principia et regulas. Medium quoque seu argumentum diversæ indolis est, nam in hypothetico reapse non datur medius terminus, sicut in categorico: sed vices medi termini gerit integra aliqua propositio categorica, quæ pars est alterius hypotheticae. Quare syllogismi, sive conditionales, sive disjunctivi, sive copulativi, opus non habent reductione ad categoricos, ut probentur, cum suis gaudent principiis, unde infallibiliter demonstrentur. Nihilominus possunt quoque revocari ad categoricos, atque adeo novam demonstrationem accipere.

Reductio  
conjunctioni,

Conjunctivus ac disjunctivus proxime revocantur ad conditionalem, conditionalis autem ad categoricum, et sic tandem omnis syllogismus potest ex categorici legibus ac principiis regi.

Sane propositio copulativa negativa seu conjunctiva evidenter æquivalent conditionali, cuius antecedens vel conditio esset unum e membris copulativæ, consequens vero sive conditionatum esset alterum membrum cum negatione præfixa. V. g. dicere: *Nemo potest Deo servire ac mammonæ; perinde est, ac dicere: Si quis servit Deo, non servit mammonæ; vel: Si quis servit mammonæ, non servit Deo.* Et sic argui potest, sicut arguitur in simili modo conditionalium. Ratio porro hujus reductionis constat ex copulativi syllogismi natura.

et disjuncti-  
vi in  
conditionali:

Disjunctivus quoque convertitur facile in conditionalem, siquidem propositio disjunctiva valde affinis est conditionali. Vel enim continet disjunctivam propriam vel impropriam. Si propriam, propositio major disjunctivi syllogismi, secundum utramque figuram, formam conditionalem induere potest, et quidem variis modis, prout unum aut alterum e membris assumi potest pro antecedente conditionatae propositionis,

cum vel sine negatione. Ita hanc propositionem: *Aut vivis aut mortuus es*, varie per conditionalem efferes: a) *Si vivis, non es mortuus*; b) *Si non vivis, mortuus es*; c) *Si es mortuus, non vivis*; d) *Si non es mortuus, vivis*.

Si jam disjunctiva impropria contineat disjunctionem, in pauciores convertitur conditionales; quamquam enim utrumvis membrum disjunctionis assumi possit pro antecedente conditionatae propositionis, sicut in disjunctivis propriis, non tamen habet nisi unum arguendi modum, scilicet a negatione unius membra ad positionem alterius, v. g. ista disjunctiva impropria: *Aut Petrus aut Paulus Romæ occubuit*, transformatur in has duas: *Si Petrus Romæ non occubuit, certe Paulus occubuit*, et: *Si Paulus Romæ non occubuit, saltem Petrus occubuit*.

168. Revocatis itaque cum copulativis tum disjunctivis ad conditionales, restat, ut videamus, qui possit conditionalis in communem et categoricam converti. «Reduccio hæc fieri potest, vel considerata materia determinata, ex qua est syllogismus, vel generali ejus forma. Si consideratur materia, facilis est reducito, cum subjectum conditionis idem est ac subjectum conditionati, ut v. g. in hoc: *Si mundus deceptor est, fidem non meretur. Sed mundus deceptor est. Ergo....* Vides enim conditionalem nullo negotio in hanc simplicem converti: *Omnis deceptor fidem non meretur; qua sufficta loco conditionalis, syllogismus in simplicem commutatur.*

Cum vero subjectum conditionis diversum est a subjecto conditionati, reducito est difficilior, nec generali formula comprehendi potest: semper tamen inventire dabitur aliquam viam, qua hujusmodi propositio ad simplicem traducatur. V. g. hæc propositio: *Si Ecclesia errat, Deus mentitur*, in hanc migrabit: *Error Ecclesia est mendacium Dei.*

At si ipsa forma conditionalis syllogismi præ oculis habeatur, sponte prohibit generalis reductionis formula, quæ omnibus syllogismis hujusmodi, quomodocumque se eorum materia habeant, aptari possit. Sufficit porro ad hanc reductionem conficiendam, ut id quod re et facto ipso in conditionali syllogismo affirmamus, disertis explicitisque vocibus affirmemus. In propositione enim conditionali quid dicimus? Hoc sane dicimus, eum qui conditionem affirmat, conditio-

et conditionalis  
in syllogismum  
communem.

natum quoque affirmare debere; item, eum qui conditionatum negat, conditionem quoque negare debere. Pariter in Minoris, quæ propositio categorica est, cum affirmamus conditionem, vel conditionatum negamus, facto ipso dicimus, idem affirmandum esse vel negandum, et quidem ab omnibus, quia id poscit veritas.

Repræsentet igitur X conditionem, et Y conditionatum; hæc erit generalis reductionis formula in affirmativis:

*Qui affirmare debet propositionem X, affirmare debet propositionem Y;*

*Sed omnes affirmare debent propositionem X;*

*Ergo omnes affirmare debent propositionem Y.*

Et in negativis:

*Qui negare debet propositionem Y, negare debet propositionem X;*

*Sed omnes negare debent propositionem Y;*

*Ergo omnes negare debent propositionem X.*

Quæ due formulae sunt syllogismi simplices primæ figuræ» (1).

## CAPUT IV.

### De cæteris argumentationis speciebus.

Argumentationem superius divisimus in *Syllogismum*, *Enthymema*, *Inductionem*, *Exemplum*, *Soritem* ac *Dilemma*. Cum itaque hactenus syllogismum declaraverimus, reliquum est, ut ceteras quoque argumentationis formas breviter perstringamus.

### ARTICULUS I.

#### De Inductione.

Definitio inductionis.

169. Inductio seu *syllogismus inductivus*, quemadmodum appellatur ab Alberto M. (2) aliisque, definitur ab Aristote-

(1) P. Salvat. Tongiorgi. *Institutiones philosophicæ*, vol. I. Logica, n. 272, 273.

(2) *Prior. Analyticor.* lib. 2, tract. 4.

tele (1): a singulis ad universale progressio; est nempe argumentatio, qua ab inferioribus ad superius et universalius aliquid concludendum progredimur. Neque enim ab individuis tantum ad speciem, sed etiam a speciebus singulis ad earum genus assurgit. Exempla præsto sunt: *Hic ignis, et ille ignis et ille alius ignis etc. comburit. Ergo omnis ignis comburit. Infans, puer, adolescent, vir, senex, suis sunt obnoxii aerumnis. Ergo nulla hominum ætas caret aerumnis.*

Quare inductionis nihil aliud re vera est, quam ascensus copulativus in suppositione universalis distributiva, et propter ea vocata etiam est *enumeratio* (2).

Duplex distingui solet inductio, *completa et incompleta*. Completa procedit ab enumeratione omnium inferiorum. Secus vero incompleta.

Utilitas vero inductionis summa est in scientiis sive ad definitiones sive ad prima principia colligenda, ut in Logica Majori fusius exponendum erit. Hæc enim communis vox est veterum Scholasticorum cum Aristotele et S. Thoma (3), principia prima scientiarum non nisi inductione colligi posse. Nec vero distingunt, ut quidam recentiores faciunt, inter principia rationalia et experimentalia, sed id generatim docent de omnibus principiis: et solum aliqua controversia est inter eos, utrum non solum prima principia singularium scientiarum, quæ *positiones* vocantur, sed etiam principia illa facilima et scientiis omnibus communia, *dignitates* nempe vel *axiomata*, egeant inductione, ut cognosci ac certo affirmari possint a mente nostra. Verum de his alibi.

Ex quo jam statim perspicis, quam falsa sit eorum opinio, qui cum Thoma Reid, (4) Dugald-Stewart (5), aliquique, scripserunt Aristotelem cæterosque Logicos ante Baconem

Inductio completa et incompleta.

Utilitas inductionis.

Falsa recentiorum opinatio.

(1) Lib. 1 *Topicor.* cap. 10 (al. 12).

(2) Apud. Conimbric. in brevi Summa libri secundi *Prior. Analyticor.*

(3) Vide Arist. lib. 1.<sup>a</sup> *Posterior.* cap. 14, et ibid. S. Thom. (lect. 30); Arist. lib. 2 *Posterior. Analyticor.* cap. 18 et ib. S. Thom. lect. 20; Arist. lib. 1.<sup>a</sup> *Metaph.* c. 1; et S. Thom. ib. lect. 1.; Suarez disp. *Metaph.* 1, sect. 6; Fonsca, Mauri, Tolet., Conimbric. etc. in cit. loc. Arist.

(4) *Analyse de la Logiq. d' Aristot.* Chap. VI; sect. 2, (Œuvres tom. 1, p. 205. Paris 1836.

(5) *Elements etc.* trad. Peisse, part. 2, ch. 4, sect. 2, Paris 1845.

solo syllogismo usos esse (1). Quomodo enim solo syllogismo uti potuerunt, qui prima ipsa principia nonnisi inductione colligi posse arbitrabantur? Quae doctrina non de completa inductione sed de incompleta necessario intelligenda est, ut satis per se patet. Fatendum est tamen, cum Scholastici communissime docebant inductione principia colligi, eam intellexisse inductionem, quae non veri nominis argumentationem involveret, sed manuduceret dumtaxat juvaretque intellectum ad melius percipendam vim terminorum; quemadmodum alibi fusius explicabimus.

Addo quod Aristoteles et inductione quandoque probavit alias assertiones (2), et non semel syllogismum et inductionem propositum tamquam duas distinctas argumentationis species (3). Quare nihil mirum, si alii recentiores, ut Hamilton, Ravaisson, Mallet, Martin, Trendelenburg aliique (4), manifesta veritate convicti, a Reidio ejusdem assecris in hac parte dissentiant.

170. Jam quoniam tam frequens et necessarius est usus inductionis in scientiis, operae pretium est ostendere legitimam ejusdem vim concludendi. Prima enim fronte videtur absurdum inferri universale ex singularibus aut magis universale ex minus universalibus. Nihilominus utraque inducione, completa et incompleta, si rite adhibeatur, est rectissima argumentationis forma.

*Completa inductionis via.*  
Et primo quidem de completa nullum dubium esse potest. Manifestum enim est, quidquid de singulis inferioribus complete enumeratis praedicatur, praedicandum esse de universis distributive sumptis. V. g. si experimento comperisti singulorum sensuum actibus proprietates corporeas percipi, jure merito concludes *omnibus* sensationibus cognosci corporeas

(1) Vide apud Cajet. *Sancte. Element. Philos. christ.*, vol. 1, *Logic. Pars. 1. cap. 3. art. 3. n. 156*, in not. 2.

(2) Vide v. g. lib. 1.<sup>um</sup> *Posterior. cap. 1* initio. Cfr. ib. S. Thom. lect. 1.

(3) Vide Arist. lib. 1 *Topicor.*, cap. 10 (al. 12); lib. 2 *Prior. cap. 23* (al. c. 27 vel 29); lib. 1 *Rhetoricor.* c. 2; lib. 1.<sup>um</sup> *Posterior. cap. 1*, text. 1.<sup>um</sup> et 4.<sup>um</sup>. Vide etiam Albertum M. lib. 1 *Topicor.*, tract. 3, cap. 4; S. Thom. lib. 1.<sup>um</sup> *Posterior. analyticor.* lect. 1. et 3; et Scot. in lib. 2 *Prior.*, q. 8, n. 5 et 8; et alios interpres Aristot. in praedictis locis.

(4) Apud Sanseverino loc. cit.

proprietates. Etenim cum omnes dicis sensations, quid amplius dicis quam singulas complete enumeratas. Sane tantum valet *totum* quantum *omnes* partes simul sumptas,

Quod vero incompletam Inductionem attinet, ut vim habeat concludendi, prius constare debet in iis quoque singularibus, qua experientiae subjecta non sunt, eamdem rationem vigere, ut idem de ipsis enuntietur, quod convenire videmus aliis experientiae subjectis (1). Quod si constare nobis potest, satius per se innoscit incompletam inductionem esse legitimam posse. Tunc enim inducio ejusmodi, que ob defectum experimenti in omnibus inferioribus facti incompleta est, robur accipit ex ratione illa, quae persuadeat idem attributum illis quoque ac ceteris convenire. Ita licet neque omnes ignes experie potui, ut viderem num comburant, neque omnia corpora, ut sciram utrum gravia sint necesse; si tamen ratio perspicua doceat vim comburendi etiam ad omnes ignes, quos expertus non fui, extendendam esse, itemque gravitatem corporum; re vera inducio, quantumvis incompleta, hujusmodi tamen præsidio fulta, completa omnino equivaleret in ordine ad legitimam conclusionem inferendam.

Atqui constare manifeste potest eamdem rationem vigere pro inferioribus nondum experientiis subjectis, ut idem attributum de illis praedicetur, quod aliis convenire experti fuimus. Ut porro id constet,

Primo examinanda sagaciter sunt varia subjecta similia, quorum attributa specifica vel generica ope inductionis investigantur. Si enim unum tantum v. g. experimur individuum, innoscere nequit utrum phænomenum, quod in eo deprehendo, sit peculiaris quedam affectio illius, an vero proprietatis aliqua specifica naturæ. Neque id sufficit, sed

Deinde variare oportet in observationibus atque experimentis adjuncta omnia externa temporis, loci rerumque

(1) Nam oportet supponere, quod accepta sint omnia quæ continentur sub aliquo communi; si loquin nec inducens poterit ex singularibus acceptis concludere universale... Patet ergo, quod inducens, facit inductionem, quod Socrates currit, et Plato et Cicerio, non potest ex necessitate concludere, quod omnis homo currit, nisi detur sibi a respondentie, quod nihil aliud continetur sub homine, quam ista quæ inducta sunt. S. Thom., lib. 2 *Poster. Analyticor.* lect. 4.

circumstantium. Etenim secus nescis, utrum phænomenum observatum naturæ debeatur illorum individuorum, an vero potius causis externis, ac proinde accidentalibus.

Quod si examinatis in sufficienti numero individuï aut inferioribus, variisque adjunctis externis, idem semper constanterque phænomenum deprehendatur, licebit quoque illud ipsum prædicatum vel attributum, ceteris omnibus ejusdem specie vel generis certissime asserere. Nam tunc manifestum est, prædicatum illud tribuendum esse nature aut proprietati specificæ subjectorum illorum. Atqui quidquid ad naturam et proprietates specificas spectat, eodem modo reperitur in omnibus individuï vel inferioribus ejusdem ordinis. Ergo cum sufficientia individua, variis omnibus externis adjunctis, observata sunt, constare satis potest, prædicatum idem omnibus omnino individuï, etiam experientia non subjectis, convenire.

Major propositio hujus syllogismi patet ex illo effato: *Effectus constans et uniformis causam postulat constantem et uniformem.* Atqui in casu nostro variis adjunctis omnibus externis et accidentalibus individuorum vel inferiorum, de quibus experimentum factum est, nihil aliud constans et uniforme in iis reperitur præter naturam et connaturales proprietates. Ergo prædicatum vel attributum, quod experientia didici convenire individui observatis, ratione naturæ vel connaturalium proprietatum illis convenit.

Minor etiam ejusdem syllogismi constat ex illo alio principio quod vocant analogia: *Ubi eadem aut consimilis ratio militat; idem aut consimile judicium ferendum est;* vel: *Quod in uno similitum valet, valet in ceteris.*

Solum queret quispiam, quandonam sufficiens reputabitur et numerus inferiorum experientie subiectiorum et variatio adjunctorum. Id autem regulis doceri nequit, sed prudentiae sagacitatique observatoris præcipue relinquitur judicandum, quandonam satis constet attributum vel prædicatum, quod in experimentis detegitur, ad ipsam rei naturam vel specificam proprietatem pertinere.

171. Nunc jam cognosci facile potest discriminem inter inductionem et syllogismum. Inductio enim in primis, sive completa sit, sive incompleta, prout communiter proponitur,

Principium analogia

Discrimen inductionis et syllogismi:

1. <sup>um</sup>duplici tantum constat propositione, antecedenti et consequenti. Et antecedens quidem est propositio copulativa, enuntiationem continens singulorum inferiorum. V. g. *Baptismus, Confirmatio etc. conferunt gratiam ex opere operato.* Ergo omne Sacramentum gratiam conferit ex opere operato. Corvus A, Corvus B, corvus C, sunt nigri, idemque dicendum est de reliquis. Ergo omnis corvus niger est. Itaque inductio speciem quamdam habet enthymematis in hac externa arguendi forma.

Dixi prout communiter proponitur, quia si exprimatur propositio illa vel principium, unde robur infallibile nanciscitur ad recte concludendum, formam quamdam induit syllogismi; quemadmodum in proposito modo exemplis videre est, si inter antecedens et consequens in primo exemplo hanc præmissam interseras: *Atqui Baptismus Confirmatio etc. sunt omnia sacramenta;* in altero vero hanc aliam: *Atqui corvus A, corvus B, corvus C, et reliqui, sunt omnes corvi.*

2. <sup>um</sup>Et hoc etiam pactio inducio dicitur ad syllogismum reduci. Quamquam, si bene observes, videbis, inductionem ita redactam, esse syllogismum tertiae figuræ cum conclusione generali contra regulas speciales illius figuræ.

Verum non in hoc præcipue indoles proprie reponenda est inductionis ac differentia ejusdem a syllogismo, sed in processu ac relatione inter antecedens et consequens. Syllogismus enim procedit a superioribus et universalioribus ad inferiora et minus universalia vel singularia; ideoque innititur in principiis *Dicto de omni* et *Dicto de nullo.* At inductio contraria prorsus ratione procedit (1): quare tota ejus vis concludendi stat in hoc principio: *Quidquid enuntiatur de singulis inferioribus complete* (2) *enumeratis, enuntiandum est de tota specie vel genere;* prout jam supra dictum est. Quod usque adeo verum est, ut circa eamdem materiam ex iisdemque terminis inverso ordine confici possint syllogismus et induc[t]io. En Exempla:

(1) Differunt autem hi duo modi (syllogismi demonstrativi et inductivi), quia demonstratio procedit ex universalibus, inductio autem ex particularibus. S. Thom. lib. 1.<sup>a</sup> Poster. lect. 30. Cfr. ib. lect. 1. Vid. etiam Arist. lib. 1. Poster. Analytic, c. 1. et 18.

(2) Intellige de omnibus inferioribus sive explicite sive implicite enumeratis modo jam declarato.

**Inductio.**

Baptismus, Confirmatio, etc.  
Confert gratiam ex opere operato.  
Atque Baptismus, Confirmatio, etc.  
Sunt omnes Sacramenta.  
Ergo omnes Sacramenta  
Confert gratiam ex opere operato.

**Syllogismus.**

Omnes Sacramenta confer  
gratiam ex opere operato.  
Atque Baptismus, Confirmatio, etc.  
sunt omnes Sacramenta.  
Ergo Baptismus, Confirmatio, etc.  
Confert gratiam ex opere operato.

Possent quoque haec duae argumentationes, omissa Minor, quae eadem est in ambabus, sub forma enthymematis proponi. Sed utralibet forma proponatur, semper existent duae argumentationes diversissimae: nam conclusio inductionis est Major syllogismi, Major vero inductionis est conclusio syllogismi. Simili modo si sub enthymematis forma proponatur, antecedens inductionis est consequens communis enthymematis, quod est syllogismus truncatus, et e converso consequens inductionis est antecedens communis enthymematis.

Unde recte scripsit Aristoteles: *Quodammodo opponitur induc syllogismo: hic enim per medium probat extremum (majus) de tertio (id est, de minori); illa vero per tertium (id est, per minus extremum) probat extremum (majus) de medio (1).* Et res patet in adducto nuper exemplo

Ideo etiam alibi docuit inductionem viam esse ad syllogismum, perque illam principia hujus colligi, ut superius jam notaveramus. *Ex quibusdam rebus ante cognitis omnis doctrina (2) procedit, ut et in Analyticis (3) dicebamus: Alia enim inductione, alia syllogismo comparatur. Atque induc quidem principium est et credulitas universalis; syllogismus vero ex universalibus constat. Sunt ergo principia aliqua, ex quibus constitutur syllogismus, quorum non est syllogismus. Est igitur eorum induc (4).*

(1) Arist. *Prior Analyticor.*, lib. 2, cap. 23 (apud Mauri cap. 29).

(2) Cfr. de hoc Aristot. lib. 1 *Poster. analyticor.*, cap. 1 initio. Vid. in eundem locum S. Thom. et alios Commentat.

(3) *Poster. analyticor.*, lib. 1, cap. 1.

(4) Lib. 6 *Ethicor. ad Nicomachum*, cap. 3. Vide ib. S. Thom., *Ethicor.* lib. 6, lect. 3. Cfr. Arist. lib. 1. *Poster.*, cap. 18, et ib. S. Thom. lect. 30; Arist. lib. 2 *Poster.*, cap. ult. et ib. S. Thom.

Exinde fluit illa alia differentia inter syllogismum et inductionem, ratione cuius induc vocatur ab Aristotele *syllogismus primæ et immediatae propositionis* (1): quia nempe induc adhibetur ad probandas eas propositiones, quae carent medio a priori, unde probentur, et sic prima colligit principia; syllogismus vero communis adhibetur ad probandas propositiones, quae medium habent (2).

172. Quæ cum ita sint, jam facilius erit solvere controversiam quorundam auctorum circa naturam distinctionis inter syllogismum et inductionem: alii namque *sec formaliter*, alii *materialiter* dumtaxat distinguunt: quæ controversia potest esse vocalis, ac proinde pro diversa vocum significatione diversimode solvenda est. Et quidem si pro formalis distinctione intelligatur discrimen situm in certo quodam numero et ordine propositionum, dicendum videtur eam minime vigere inter syllogismum et inductionem; quandoquidem induc constare potest tribus propositionibus, sicut syllogismus, vel solum duabus, ut enthymema, quemadmodum superius monuimus. Similiter si materialis distinctionis nomine illa accipiatur, quæ consistat in diversitate materiæ, circa quam versentur illæ duæ argumentationes, neganda est hoc sensu accepta materialis distinctio, cum et syllogismus et induc versari possint circa eandem materiam.

Cæterum si pro formalis distinctione intelligatur specifica, quæ nempe syllogismum et inductionem efficiat duas argumentationes species invicem distinctas, negari nequit ejusmodi formalis distinctio ex dictis. Nam in quacumque versetur materia, et quacumque sit externa forma dispositio que terminorum ac propositionum, semper induc habet processum diversum, ac penitus oppositum syllogismi processui.

173. Et hactenus de inductione prout a Scholasticis declarata fuit, quam recentiores *vulgarem* post Baconem appellant, ut distinguant a *Baconiana*, quam docuit Baco a Verulamio.

Hic vir postquam satis quidem arroganter, inurbane et inique Scholasticorum, hac in re doctrinam suggillavit (3),

(1) Lib. 2 *Prior Analyticor.* cap. 23 (apud Mauri cap. 29).

(2) Vid. P. Sylvest. Mauri in *Paraphras* hujus postremi loci Aristotelis.

(3) Apud Sanseverino Oper. cit. *Logica*, n. 167.

Controvertitur  
utrum  
materialiter  
an formaliter  
differat  
induc  
a syllogismo

Induc  
Baconiana.

veram inductionem eam esse docet, «quæ 1.<sup>o</sup> procedit per *rejectiones et exclusiones*, sive quæ non affirmat aliquid de aliquo, nisi postquam illud de iis omnibus, in quibus non inventur, negaverit, adeo ut per *negativas* tot, quot sufficiunt, super *affirmativas* concludat; quæ non statim, sed gradatim, hoc est, per axiomata media ad supreme progradientur. Ut autem *inductio per negativas* ad *affirmativas* perveniat, triplex ordo experimentorum instituendus est. Primo enim oportet explorare omnes res, quæ in eadem natura sunt, deinde omnes alias, quæ, etsi ad illas proxime accedant, tamen data natura carent; denique illas, in quibus eadem natura magis, magisque inventur. Tribus hisce experimentis confectis, a natura rei, de qua quæstio est, excludendæ sunt primo proprietates, quæ in ipsa re non inventur; tum ille, que in aliis rebus diversarum naturarum occurunt; tum denique illæ, quæ, natura illa crescente, decrescent, et illa natura decrescente, crescunt. Facta autem haec *rejectione*, proprietates, que supersunt, illi nature, circa quam quæstio versatur, tribui possunt. En exemplum inductionis, quod ad definitionem caloris inventiam ipsem Baco adduxit. Si quis naturam calidi, ope inductionis, investigare velit, primo inquire debet species rerum, quæ calorem habent, ut radii solis, meteora, aliqua huiusmodi; secundo alias species, quæ calore quidem destituantur, sed magnam affinitatem cum primis habent videntur; tertio illas species, in quibus calor decrescit, aut crescit, scilicet illas, quæ *potentia*, aut *actu* calida sunt, quæque magis, minusve incalescunt (1).

Judicium  
de Baconiana  
inductione.

Sed plane vides nihil novi doceri a Bacone de ipsa inductione natura formaque; sed solum monita quadam tradi, quæ modum in ipsa singularium aut inferiorum observatione tenendum præscribunt. Quare Remusat non dubitavit scribere, *nullam esse inductionem Baconianam* (2).

(1) Ita Sanseverino, Op. et loc. cit. ex Bacone, *Nov. Organ.* t. 1, lib. 1. Aph. CV, Opp. t. 2, pag. 102 et 103, Amstelodami 1674, et lib. 2. Aph. XI-XX pag. 145-192.

(2) Bacon etc. lib. 3, cap. 3 paragr. 1, pag. 315, not. 2.<sup>a</sup> Cfr. *Essais de la Philos.* Ess. VI, paragr. 2, 3, pag. 259 ssqq.

Quid, quod ipsa hæc monita inepta sunt aut falsa? Primo enim necesse non est, ut *inductio per negativas et exclusivas* procedat, sed vim plenam habere potest, etiamsi per solas *affirmativas* progrediatur, op̄ nimurum principii analogiae, quemadmodum exposuimus. Deinde nec fieri potest, ut *inductio per negativas et exclusivas* procedat, cum impossibile sit cognoscere omnes proprietates, quæ in natura rei, de qua quæstio instituitur, non inventuri, omnesque illas, quæ in cunctis aliis naturis rerum inventuri. Si enim ad quamcumque inductionem id necessarium foret, *inductio incipere* nunquam posset; cum potissimum ipse corporum proprietates inductione cognoscantur (1). En quo deveniat puerilis et arrogans pruritus omnia reformandi doctrinasque carpendi, quas longa seculorum serie prisca Doctorum sapientia tradidit.

## ARTICULUS II.

### De Enthymemate.

174. Enthymema, si vocis etymon species, *commentum* sonat aut *commentationem*, Quintiliano interprete (2), vel *animi conceptionem*, si mavis Bœtiū audire (3); ac triplicem habet acceptiōnem atque intellectum; primo pro quavis animi sententia; secundo pro assertione aliqua fulcita argumento deducto ex repugnantiis, ut v. g.: *Quem quis non accusat, damnat?* et *Non est mortalibus fœnanda ira immortalis* (4); tertio pro certa argumentandi forma.

Nos omissis duabus acceptiōnibus, tertiam dumtaxat consideramus. Est ergo enthyema argumentatio dupliciti constans propositione, quarum altera ex altera inferatur. Vel si mavis illud cum Bœtio (5) definire, enthyema est *oratio, in qua non omnibus antea propositionibus constitutis, infertur festinata conclusio*. Quare dici solet *syllogismus imper-*

Declaratur  
definitio  
enthyematis.

(1) Cfr. Sanseverino loc. cit. n. 169, 170. Vide Remusat loc. cit. Whellwell, *Philosophy of inductive science*; Joseph. de Maistre, *Examen de la Philosophie de Bacon*.

(2) Lib. 5, cap. 10.

(3) In *Topic. Ciceronis*, lib. 5, et Cicero ibid.

(4) Cicero in *Topicis* apud Fonseca, *Instit. dialect.* lib. 6, cap. 33.

(5) Boet., *De Different. topicis*, lib. 2, cap. 1.

fectus vel truncatus, quia caret altera præmissarum. Exemplum esto: *Homo est animal. Ergo est vivens.* Ubi hæc desideratur ac subauditur major propositio: *Omne animal est vivens.* In hoc alio exemplo: *Omnis virtus est amabilis. Ergo justitia est amabilis,* tacetur minor: *Justitia est virtus.*

Usurpat ergo hæc argumentationis forma, cum altera præmissarum tanta gaudet perspicuitate, ut quamquam non exprimatur verbis, facil tamen animo subaudiatur, conclusio satis aperte fluat ex altera præmissa (1). Nec sane difficile est cognoscere utra præmissarum omissa fuerit. Velenim reperitur unus aliquis idemque terminus in antecedente et consequente, vel nullus. Si nullus, signum est omissam propositionem fuisse aliquam Majorem hypotheticam, ut apparet in hoc exemplo: *Sol lucet. Ergo dies est;* deest enim hac Major: *Si sol lucet, dies est.* Item in hoc: *Petrus servit Deo. Ergo non servit mammona.* Si autem unus aliquis terminus identicus reperitur in antecedente et consequente, deest illa propositio categorica, in qua extrellum alterum consequentis cum medio comparandum fuisse in justo syllogismo.

Consequens entyphematis consequentiam non esse formalem, sed materiale, nisi forte conficiatur entyphema arguendo a conversa ad convertentem, a subalterna ad subalternantem aliisque similibus modis, qui semper et ubique vi formæ recte concludunt. Ratio autem est, quia si non subauditur propositio, quæ reticetur, nullum entyphema concludit, nisi ratione materia seu connexionis extre-morum objectiva (2).

Eius discrimen a syllogismo. Et ex his satis intelligitur discrimen inter syllogismum et entyphemam; consistit nempe in eo, quod entyphema duabus dumtaxat consit propositionibus.

Novi hanc sententiam a clarissimo Cajetano Sanseverino absurdam vocari, licet fateatur communem fere esse omnium

(1) Ideo non desunt qui etymon vocis derivent ab ἔγγυο in animo, quasi sit argumentatio aliquid animo, reticens. Ea vero derivatio non placet P. Petro Fonseca (loc. nup. cit.), et contraria videtur Quintiliano et Boetio.

(2) Vide Lessada, *Summul. disp. 8, cap 2, n. 2;* Conimbric., in lib. 1.<sup>a</sup> *Prior Analyticor. cap. 1, q. 2, art. 3;* Joan. Bapt. Ptolom., *Logic. lib. 4, thes. 1.*

recentium Logicorum (1). Doctrina vero ipsius hæc est: 1.<sup>o</sup> pro certo secundum Aristotelem habendum esse «entyphema, non secus ac syllogismum, ex tribus enuntiationibus componi, sed ab hoc discriminari, quod a verisimilibus et a signis, non vero a principiis rei propriis, conclusionem elicit»; pro qua doctrina laudat Philosophum (2). 2.<sup>o</sup> docet enuntiationes ex verisimilibus et signis non esse omnino certas, sed contingentes vel probabiles. 3.<sup>o</sup> Unde colligit «entyphema a syllogismo stricte dicto non differre ratione forma, sed ratione materia, quia syllogismus proprie dictus, sive demonstrativus, a principiis necessariis proficiscitur, ac proinde conclusionem certam habet; sed entyphema, cum ex probabilibus enuntiationibus confluat, probabilem conclusionem parit. 4.<sup>o</sup> Quare licet sepe in entyphemate aliqua enuntiatio omittatur, ut ipse Aristoteles advertit (3), id non oriri ex natura entyphematis, ideoque Aristoteles entyphema quoque vocavit *syllogismum oratorium* (4); adde quod alibi Philosophus vocavit entyphema *syllogismum* (5).

Hanc sententiam fidum P. Sylvester Maurus tribuerat Julio Pacio (6).

Verum pace tanti scriptoris, censeo nimis præcepsum communique philosophorum sensui contrarium esse judicium Cajetani Sanseverino. Quidquid enim sit de vera mente

(1) *Elementa Philos. christ. cum antiqua et nova comparata*, vol. 1, *Logic.* n. 147, pag. 77, Neapoli 1864.

(2) Lib. 2, *Prior. analytic.* cap. 23, (alias 27 vel 29). Cfr. etiam lib. 1, *Rethoricor. cap. 2.*

(3) *Rethor. lib. 1, cap. 2.*

(4) Id. *ibid.*

(5) Lib. 1.<sup>a</sup> *Posterior. cap. 1,* ubi vide Commentatores; S. Thom. (ibi, lect. 1, fin.) Dominic. Soto; Petrum Fonseca, *Instil. dialet.* lib. 6 cap. 36; Tolentum, Mauri, et Conimbric. in lib. 2.<sup>a</sup> *Prior.* in brevi Summa totius libri, ubi mens Aristotelis haec super re exponitur.

(6) «Auctores satis communiter dicunt entyphema esse syllogismum imperfectum, qui reticet alteram ex præmissis. Verum Julius Pacius in commentario hujus loci cap. XXVII ostendit non requiri ad entyphema, ut omittat alteram ex præmissis, sed omnem syllogismum constante ex verisimilibus ac signis, seu reticet alteram præmissam, seu exprimat utramque, juxta doctrinam Aristotelis esse entyphema.» *Sylvest. Mauri. Aristot. Opera omnia*, tom. 1, lib. 2 *Prior.* cap. 34.

Aristotelis in predictis locis, sufficiat mihi in patrocinium nostrae doctrinæ laudare Severinum Bœtium (1), S. Thomam (2), Petrum Hispanum, Dominicum Sotum (3) Petrum Fonseca (4), Toletum (5), Conimbricenses (6), Complutenses (7), Joannem a S. Thoma (8) itemque Arriagam, Hurtadum, Compton, Izquierdum, De Benedictis, Franciscum Soarez lusitanum (9), Cardin. Joannem Bapt. Ptolomeum, Antonium Mayr, Ludovicum Lossada, Antonium Goudin, Salvatorem Roselli, Mastrium, Pontium, Sebastianum Dupasquier, verbo, quotquot ego videre potui; qui omnes uno ore, tamquam rem omnibus compartam, docent enthymema esse syllogismum imperfectum ac truncatum, et ex una dumtaxat præmissa conclusionem elicere. Ipse etiam Silvester Mauri, licet fateatur ab Aristotele in lib. 1.<sup>a</sup> *Rhetoricor.* cap. 2 enthymema pro syllogismo rhetorico, ex verisimilibus nempe ac signis non necessario, sed moraliter dumtaxat vel probabilitate concludente, acceptum fuisse; addit nihilominus in alio præterea sensu accipi, nimurum pro syllogismo truncato, unaque constante præmissa. Quis porro doctrinam tot tantorum scriptorum absurdam aut novam jure arbitretur? Itaque quidquid de hac re in variis locis senserit Aristoteles, quod nunc non vacat, nec multum refert investigare, constat doctrinam, quam exposuimus de natura enthymematis, esse communissimam ac vere traditionalem inter Scholasticos. Jam de reductione enthymematis ad syllogismum nullum occurrit dubium, cum pateat eam peragi expressa, quæ reticebatur, præmissa.

- (1) Loc. sup. cit.
- (2) In lib. 1.<sup>a</sup> *Posterior. Analyticor.*, lect. 1, fin.
- (3) In lib. 1.<sup>a</sup> *Posterior*, in commento textus primi.
- (4) Loc. supr. cit.
- (5) *Summul.* lib. 4, cap. 18. Cfr. in libr. 1.<sup>a</sup> *Posterior.* cap. 1, in comment.
- (6) Loc. nup. cit., et in lib. 1.<sup>um</sup> *Prior.* cap. 1, quest. 2, art. 3; et in libr. *Poster.* c. 2, q. 2, art. 1, *Quod attinet.*
- (7) *Summul.* lib. 3, cap. 1.
- (8) *Summul.* lib. 2, cap. 5; et 2.<sup>a</sup> part. *Logic.* q. 25, a. 1, initio.
- (9) *Logic.*, tract. 8, disp. 1, sect. 3 et 4.

## ARTICULUS III.

## De Exemplo, ubi de Analogia.

175. Exemplum est argumentatio, qua ex uno vel pluribus singularibus aliud singulare colligitur, v. g.: *David paenitens veniam a Deo impetravit. Ego quoque, si paenitentiam egero, similiar veniam impetrabo. Salomon non irrenunt felicitatem in potentia, dicitur ac voluntatibus bujus vita. Ergo neque tu invenies.* Definitur.

Quamquam porro plerunque a veris singularibus singularia concludat exemplum; nihilominus potest quoque colligi una species ab alia, vel ab uno genere aliud genus, dummodo non sint logice inferiora invicem vel superiora.

Hinc vides differentiam exempli a syllogismo et enthymemate atque inductione. Syllogismus enim et enthymema ex universaliori minus universale inferunt; inducitur autem ex singularibus vel minus universalibus universalius quiddam, et exemplum ex uno singulari aliud singulare concludit.

Cæterum exemplum duci potest non solum a re vere gesta sed etiam ab historia aliqua conficta, vel parabola vel apologeticæ seu fabula. Apologii et parabolas pulcherrimæ suppetunt in sacris Litteris tum in Veteri, tum in novo Testamento (1). Semper autem vis probandi nititur in similitudine vel paritate inter antecedens et consequens.

Ad exemplum quoque revocari possunt argumentationes a simili vel a pari, a majori ad minus, et a minori ad magis seu a fortiori, quarum pulchra habes exempla in Evangelio S. Matthei (2); vel etiam a contrario.

Quæ cum ita sint recte a Bœtio (3) aliquis dicitur enthymema et exemplum responderet syllogismo et inductioni; quia sicut enthymema est syllogismus imperfectus, ita exemplum est inducitur imperfecta; et sicut syllogismus et inducitur frequenter usurpatur a Dialecticis, sic enthymema et exemplum ab oratoribus. Quia quamquam enthymema et

Aliæ  
argumentationes  
quaæ ad  
exemplum re-  
vocantur.

(1) Vide v. g. parabolam, qua Nathan Propheta usus est ad David regem (Lib. 2 Reg. cap. 12), et aliam, quam Jonathas proposuit Sichemitis in libro *Judicum*, cap. 9.

(2) Cap. 6 et 10. Cfr. 1.<sup>a</sup> epist. ad Corinth. cap. 9, v. 7.

(3) De *Differentiis topicis* lib. 2, cap. 1.

Argumentatio  
ab Analogia.

exemplum non æque valeant plerumque ad probandum, tamen facilius communi hominum generi accommodantur (1).

176. Cum exemplo, prout hactenus explicatum est, in idem fere recidit argumentatio, que ab *analogia* dicitur, est que *argumentatio, per quam ab una proportione nobis comperta aliā non compertam inferimus*. V. g. video brutum, similes cum nostris actus et motus edere ad præsentiam quorundam objectorum, vel similia nostris organa habere: atque inde concludimus bruta sentiendi facultate et actu gaudere. «Ex quo patet analogia argumentum inductionem imperficiat merito vocari. Inductio enim a partibus ad totum genus procedit; analogia a parte procedit ad partem, quae sub eodem genere utcumque contineatur» (2).

Principia,  
quibus innititur  
argumentatio  
ab analogia.

Principia, quibus analogia argumentatio, sicut etiam exemplum, innititur, haec fere sunt: *Quod in uno similiū valet, valet in ceteris; Quod non valet in uno similiū, nec in ceteris valet; Res similes effectus similes producunt; Res similes proprietatis similibus instructa sunt, secundum similes typos conditae sunt, similes fines habent, similibus legibus gubernantur, etc. Dissimilibus dissimilē convenient. Contraria oratione contraria sunt causæ* (3): (ineligere causas proximas non vero remotas) etc.

In analogia et exemplo conclusiones plerumque intra probabilitatis limites continentur; possunt tamen quandoque certitudinem obtinere, quando nempe similem rationem utrobius valere constat, ut videtur evenire in adducto exemplo pro brutorum sensatione.

#### ARTICULUS IV.

##### De Sorite.

Ejus definitio: 177. Sorites (*ἀπὸ τοῦ σώρου, acervo*) est: *argumentatio acervalis*, interprete Tullio (4), seu *argumentatio constans variis propositionibus ita gradatim dispositis, ut prædicatum præcedens fiat subjectum consequentis, donec in conclusione*

(1) Vide Fonseca, *Institut. dialect.* lib. 6, cap. 36.

(2) Tongiorgi, *Institut. Logice*, n. 323.

(3) Tong. ib. n. 324, apud quem plura de his.

(4) *De Divinatione*, lib. 2 cap. 4.

*subjectum primæ conjungitur cum prædicato penultimæ propositionis. Exemplum: Anima humana est substantia intelligens. Substantia intelligens est spiritualis. Substantia spiritualis est immortalis. Substantia immortalis aeternum felix vel infelix esse debet. Ergo anima humana aeternum felix vel infelix esse debet.*

Potest quoque Sorites fieri per propositiones conditionales ita, ut conditionatum unius propositionis assumatur in conditionem subsequentis, donec in ultima, prime propositionis antecedens cum penultimæ conditionato copuletur. V. g. *Si Petrus est homo, est animal. Si est animal, est vivens. Si est vivens, est substantia. Si est substantia, est ens. Ergo Petrus si est homo, est ens.*

Hæc argumentationis forma captiosa est, quemadmodum etiam notavit Cicero (1), ideoque non multum usurpatur. Et ratio est, quia dum tot congeruntur propositiones, facile irreperiri possunt æquivocationes atque assertiones falsæ, quin advertantur. Sic olim Stoici fallaciter concludebant omne bonum esse honestum in hunc modum: *Si bonum, igitur optabile. Si optabile, expetendum. Si expetendum, dignitatem habet. Si dignitatem habet, laudabile est. Si laudabile, honestum. Igitur si bonum, honestum est. Ubi falsitas tertiae propositionis falsam reddit conclusionem* (2).

Si autem nullum adsit vitium in singulis propositionibus, apta est argumentatio sorites, ejusque vis concludendi evidenterissima. Nam si sub forma conditionali proponatur, manifeste innititur in regula septima consequentiarum superius exposita.

Si vero ex propositionibus categoricis conficiatur, probari etiam potest ejus rectitudi. Primo, quia facile reduci potest ad formam conditionalem. Deinde, quia negari nequit subjectum identificari cum omni eo cum quo prædicatum, quemadmodum constat ex identitatis ac discrepantiae principiis. Nec diutius in re plana immorari necesse est.

178. Jam si intimius sorites artificium scrutari velis et reductionem ad syllogismum communem, observa in hac

et vis  
concludendi:

artificium  
intimius decla-  
ratur.

(1) *Academicor.* lib. 2, cap. 16.

(2) Apud Fonseca, *Institut. dialect.* lib. 6, cap. 5, 8.<sup>a</sup> regula. Cfr. sorites Velleji apud Ciceronem, *de Natura deorum*, lib. 1, cap. 18: quem solvit Cotta *ibid.* cap. 32.

argumentatione contineri elementa, ex quibus series plurim syllogismorum confici potest. Si enim in primo exemplo secundam propositionem loco Majoris accipias, primamque loco Minoris ponas, et convenienter exinde conclusionem elicias, habebis hunc justum syllogismum in prima figura: *Omnis substantia intelligens spiritualis est. Sed anima humana est substantia intelligens. Ergo anima spiritualis est.*

Nunc assume pro Majori tertiam soritis propositionem, adde loco Minoris praecedentem conclusionem, et si ex his duabus præmissis iterum concludas, hunc novum syllogismum in prima figura conficies: *Omnis substantia spiritualis est immortalis. Sed anima humana est spiritualis. Ergo anima humana est immortalis.*

Simili modo hunc alium syllogismum confabis: *Substantia immortalis aeternum felix vel infelix erit. Atqui anima humana est immortalis. Ergo anima humana aeternum felix vel infelix erit.*

Et quoniam idem fieri potest in alio quocumque exemplo jure merito concludes:

a) Omnem Soritem implicitam syllogismorum seriem in se continere, atque adeo ad syllogismum prime figure revocari posse.

b) Secundam soritis propositionem esse Majorem, primam autem, Minorem primi syllogismi, et ultimam propositionem esse conclusionem ultimi syllogismi, reliquas demum esse Majores intermediorum syllogismorum, qui ex Sorite confici possunt.

c) In sorite proinde reticeri omnes minores propositiones hujusmodi syllogismorum, excepta prima, itemque conclusiones omnes, excepta postrema.

d) Omnes terminos soritis, excepto subjecto prime propositionis, et penultima predicate, esse successive medios terminos eorumdem syllogismorum.

e) Denique plenam soritis resolutionem continere tot syllogismos, quot sunt illius propositiones, demptis duabus.

Quæ cum ita sint, plane vides nihil absurdius dici potuisse a Tracy, cum scripsit (1), soritem esse primitivam argumentationis formam, ad quam reliquæ omnes, ipso etiam

(1) *Ideolog.* part. 3, *Logic.* tom. 1, cap. 1 et 8.

syllogismo non excepto, revocandæ sint. Scilicet qui talia scripsit, nec syllogismi nec soritis naturam videtur intellexisse (1).

Ex his jam colligere licet Soritis leges:

*Leyes soritis.*

Prima: *Ne sint omnes propositiones soritis negativæ.* Secus enim resolueretur in syllogismos, quorum omnes propositiones forent negativæ. Immo vero nulla sit negativa, praeter penultimam et consequenter etiam ultimam. Nam si prima v. g. est negativa, quoniam illa est Minor primi syllogismi, haberetur in resolutione syllogismus primæ figuræ cum Minor negante, contra regulas suo loco probatas. Si vero aliqua alia foret negativa, certe in resolutione conclusionem præberet pariter negativam; et quoniam ista conclusio esset minor alius syllogismi, sequeretur idem peccatum contra regulas primæ figuræ, quod modo notabamus. Si autem penultima foret negativa, hoc incommodum non sequeretur, ut patet.

Secunda. *Nulla proposilio sit particularis, excepta prima et consequenter postrema.* Ratio, quia cæteræ omnes sunt majores propositions totidem syllogismorum, quos implicitè continent, et in quos logicæ resolvi possunt, ut vidimus. Atqui regula primæ figuræ vetat, ne Major sit particularis. At si prima esset particularis, quoniam illa in resolutione locum Minoris teneret, nulla regula illius pars violaretur.

179. Soriti similis est sophistica illa argumentatio, quam Epicuro vehementer exprobat Cicero (2), et Chrysippo quidam auctori tribuunt, unde et *chrysippus* sorites dictus est. Hæc autem argumentatio sorites vocatur, non a propositionum acervo, sed ab acervo tritici, «quo tamquam exemplo sophista utebatur. Assumpto enim acervo ex viginti v. g. tritici grani, interrogabat, num grana illa pauca essent, an vero multa. Si pauca respondisset; subjiciebat, pauca fore etiam uno addito: quæ enim pauca sunt, unius dumtaxat augmento fieri multa non possunt: tum addito tertio, quartio etc., eo perveniebat, quod cum multum reapse foret, te tamen fallaci illo condito circumventum fateri cogebat, multa

*Argumentatio  
acervalis.*

(1) Cfr. Salvator Tongiorgi, *Institut. logic.* n. 282, 4<sup>a</sup>; Gallupi, *Logic.* Lez. 57; Sanseverino, *Elementa Phil. christ. Logic.* Prima pars, n. 150 in nota.

(2) *Academicar. quæst.* lib. 4, cap. 16.